



Aningaasanut Nunanullu Allanut Naalakkersuisoq

Aningaasaqarnermut Ataatsimiititaliap suliag nr. 01.31.06/07-00246 pillugu arfininngornermi ulloq 9. juni 2007-imi aalajangiinera pillugu Naalakkersuisunut ilisimatitsineq.

(Naalakkersuisut ulloq 31. maj 2007-imi ataatsimiinneranni imm. 2c)

Paamiuni umiarsuarnut imarpikkoortaatitut talittarfiup iluarsaanneqarnissaa

Naalakkersuisut **inassutigaat**,

- kontomi pingaarnermi 87.73.10 Umiarsualiviit, suliassamut nr. 050.24.107 Paamiuni umiarsuarnut imarpikkoortaatitut talittarfim-mik iluarsaassineq, aningaasaliissutit 7.100.000 koruuninik qaffanneqassasut.
- Kontomi pingaarnermi 87.73.19 suliassamut nr. 996.23.002 Angallannermut atortunik assigiinngitsunik misissueqqaarnerit, aningaasaliissutit 7.100.000 koruuninik appartinneqassasut.

Aningaasaqarnermut Ataatsimiititaliap oqaaseqaatai

Paamiuni imarpikkoortaatitut talittarfik pilertortumik iluarsaattariaqalerluni ajorsilluinnarmat iluarsaannissaanut aningaasanik Naalakkersuisut qinnuteqarput. Iluarsaannera 7,1 mio. kr.-it tikillugit akeqartussatut naatsorsuutigineqarpoq.

Iluarsaaneq kontomut pingaarnermut 87.73.19-imut, Angallannermi atortunik assigiinngitsunik misissueqqaarnermut tunngasumut, 2006-imi aningaasanut inatsimmi aningaasaliissutaaqqaartut 13 mio. kr.-iusut atorlugit aningaasalersorneqassasoq Naalakkersuisut siunnersuutigaat. Sanaartornermut aningaasaliissutit pineqarmata aningaasat taakku 31. december 2006-imi Sanaartornermut Iluarsaanermullu Aningaasaateqarfimmu nuunneqarput.

Qinnuteqaammi ima allassimavoq:

"Tassani aningaasaliissutit 13,0 mio. koruuniupput. Aningaasaliissutit ilaasa Nuup Kangerluata naqqatigut sullorsualiorsinnaanermut misissuinissamut annertuumut ator-neqarnissaat eqqarsaatigineqarsimagaluarpoq, kisiannili 2006-imi septembari-mi Galathea 3-miit ilisimasassarsiortut sajuppillatsitsisarlutik misissuineranni paasi-neqarpoq taamaattumik sullorsualiornissaq ajornartussaasoq.

Tamatuma kingorna 7,5 mio. koruunit missaanniittut kontomi sinnerupput. Ani-ngaasat taakku ilaasa suliassamut "Kujataani attaveqaatit"-nut tunngasumut ator-neqarnissaat eqqarsaatigineqarsimavoq. Misissueqqaarnissarli annertunerusumik kingunerluuteqanngitsumik kingusinnerusumut kinguartillugu Paamiuni umiarsuar-nut imarpikkoortaatitut talittarfiup iluarsaannissaa pisariaqarluinnartoq suliarine-qarsinnaavoq."

Tamanna tunngavigalugu Aningaasaqarnermut Ataatsimiititaliami amerlanerussuteqartut, Augusta Sallingip, Agathe Fountainip, Palle Christiansenip aamma Otto Jeremiassenip Naalakkersuisut inassuteqaataat akuerisinnaavaat.

Aningaasaqarnermut Ataatsimiititaliami ikinnerussuteqartup, Doris Jakobsenip (Jens Lars Fleischerimut sinniisussap) inassuteqaatit akuersissutigisinnaangilai. Tassunga atatillugu ikinnerussuteqartoq ima oqaaseqaateqarumavoq:

Nuup kangerluata naqqatigut sullorsualiorsinnaanermut misissuinissamut aningaasat immikkoortinneqarsimasut maanaannaq suliaq suli ingerlasoq atorunnaarsinneqarnerat akuersaarneqarsinnaangilaq, soorlu misissuinerit suli ingerlasut kommunalbestyrelsillu inassuteqaatissaa suli pinngitsoq maanaannaq unitsitsineq pissusissamisunnngilaq, aamma paasisutissat tamakkiisumik aalajangiinermi tunngavigineqartariaqaraluarmata.

Aningaasaqarnermut Ataatsimiititaliap aalajangiinera

Naalackersuisut inassuteqaataat Aningaasaqarnermut Ataatsimiititaliami amerlanerussuteqartunit **akuersissutigineqarput**. Inassuteqaatit ikinnerussuteqartumit akuerineqarsinnaangillat, tak. siuliani ikinnerussuteqarluni oqaaseqaat.

Inussiarnersumik inuulluaqqusillunga

Augusta Salling
Aningaasaqarnermut Ataatsimiititaliap siulittaasua